

天津縣地理教科書

天津晉
文石印

41/20.11
50
31

國敕正印

天津縣地理教科書凡例

一是編為蒙學地理之初階文義無取高深約共十一章強分八十課取便按日講授每課自數十字至百餘字惟課外所附沿革論畧較長

一是編蒐采府縣二志東亞各港志畿輔水道管見世界地理學津門雜記津門紀畧中西紀事等書編輯而成至通志義倉志本為府縣二志所出入故不及

一賦稅營制及各國之交涉頭緒紛繁僅撮大要以省兒童腦力若竟考原委則各有原書在

一所列古蹟一門以見鄉土沿革今昔不同至如富家莊為董永賣身處巨葛莊為巨無霸故里等類事涉附會與禹貢九河舊跡按諸近日時勢

天津縣地理教科書

凡例

集思堂藏板

無甚關係者概從舍旃

一所繪輿圖凡縣之疆域城郭及街衢村鎮河流鐵路等應有盡有無不朗若列眉

一是書成本倉卒而應用書籍又多不備勉強支絀譌訛之處知必不免以俟參攷有據再為改良

天津縣地理教科書目

第一章 天津縣大勢二課

位置 經緯 廣袤 面積 疆域

第二章 地勢十九課

區劃 沿海一 沿海二 沿海三 渤海 三岔河 北運河 鳳河

永定河 大清河 子牙河 南運河 海河 北運減河 海河引河

橋梁一 橋梁二 津渡 淀泊

第三章 天氣一課

節候風雨

第四章 產業六課

鑛產 水產 林產 農業 工業 牧業

第五章 人民三課

人數 風俗 慈善義舉

第六章 行政七課

職官一 職官二 營制 警察 賦稅 局所 教育

第七章 宗教一課

儒教 佛教 道教 回教 景教

第八章 商務三課

貿易 商埠 租界

第九章 交通五課

天津縣地理教科書

目錄

集思堂藏板

驛路 鐵路 航路 郵政 電報

第十章 地方誌 二十四課

圍牆 城內街衢 城外街衢 馬路 東鄉一 東鄉二 西鄉一
西鄉二 南鄉一 南鄉二 北鄉一 北鄉二 公廨 城內廟宇
城外廟宇 改學堂廟宇 名宦 忠義 鄉賢 節孝 昭忠 烈
女 僧親王祠 曾公祠 丁公祠 謝公祠 懋功祠 金剛懋公祠
張公祠

第十一章 古蹟 十一課

天津釋名 城垣 城濠 七十二沽 攷 藍田 屯田 倉廩 名巷
一名巷二 園亭 沿革論畧

天津縣地理教科書

目錄

集思堂藏板



第一章 天津縣大勢

第一課 位置 經緯 廣袤 面積

天津縣居府七屬之一。即附郭縣也。偏本國東經綫三十四分。偏北緯綫三十九度三十三分五十五秒。在直隸省治東四百六十里。西北距京師二百四十里。東西長九十里。南北寬七十五里。面積六千七百餘方里。

第二課 疆域

其境東界順天府寧河縣。西界靜海縣。南界靜海及滄州。北界順天府武清縣。東南至海及滄州界。西南至靜海界。東北至順天府寶坻縣及武清縣界。

天津縣地理教科書

一

集思堂藏板

西北至武清縣界。

第二章 地勢

第三課 區劃

境內有水無山。地皆平原。但西北高而東南下。故畿南諸水。流入境內。皆趨向東南入海。闔邑分五區。中以圍牆為界。外藉河流區分。東西南朔四鄉。

第四課 沿海一

縣治東南沿海。距城百二十里為大沽口。北界寧河。南界滄州。灣曲成反括弧形。濶約六七十丈。深約丈三四尺。港口沙道紆迴。船非潮不能進。咸豐九年。英法渝盟。挑戰。僧親王曾大挫之於此。僅一艘得逸沙外。

第五課 沿海二

咸豐八年十年。大沽雖兩次失陷。特一因粵事議撫。官先遣小舟導入。一因從北塘襲我後路。偵得所伏地雷。然其船駛行口外時。亦遇淺攔。曾張白旗以緩我軍。此見沙洪足恃。先事之塞守宜嚴也。

第六課 沿海三

港內舊有五炮台。南北對峙。向稱鞏固。庚子難初起。英人驟襲。踞之。我軍故屢戰無功。蓋門戶一失。雖有智者不能善其後耳。今遵條約。炮台悉撤。塘沽一帶。各國且屯重兵。並擬濟深航路。使通巨舶。以我險要。一旦盡棄。戰守復何恃哉。

第七課 渤海

渤海在大沽口長約七百二十里。濶約四百二十餘里。遼東岬與山東岬對峙。中隔一百八十里。廟島羅列。拱衛天津。本我國領海。自俄租旅大。英索威海後。險要失無固守權。敵遂得往來自由。無異公海。良足惜也。

天津縣地理教科書

二

集思堂藏板

第八課 三岔河

距城東北二百步為三岔河。畿輔諸水。如北運永定大清子牙南運等河。皆匯此。由海河以入海者也。河之北岸為法國教堂。有望河樓。即同治庚午開教處。光緒庚子役被拳匪焚毀。今之樓堂壯麗。蓋而經賠款而建築者。

第九課 北運河

北運河即白河。舊為京通漕糧運道。其源來自長城外。入密雲縣石塘嶺關。由牛郎山入通州北界。又稱潞河。經武清縣以達天津。東南流至南倉。有永定河挾鳳河來會。南流經紅橋。又有子牙河來會。再南流與南運河會為三岔河。

第十課 鳳河

鳳河發源畿南。其上游久為永定河所出入。今自武清縣入天津縣界。向南稍東行。沿隄村落。東為丁庄平庄。西為雙口韓家樹等。約二十餘里。與永定河會。

第十一課 永定河

永定河源出山西忻州靜樂縣燕京山之天池。而重見朔州之馬邑者。為桑乾河。至渾源州名渾河。入直隸經順天府宛平縣盧溝橋稱盧溝河。抵南北全溝為永定河。東南入天津縣。經三河頭青光等村。達西沽。東流入北運河。

第十二課 大清河

大清河俗稱上西河。源出保定府之滿城縣。經府城西南名府河。過安州入西淀。經趙北口。東行至文安西境。霸州南境。又稱會通河。共分三支。總名東淀。又

天津縣地理教科書

三

集思堂藏板

曰淀河。東北由靜海達天津。因舊河淤塞。會子牙河。

第十三課 子牙河

子牙河俗名下西河。滹沱滄陽二河。寧晉大陸二泊。合流至大城縣子牙村而得名者也。由子牙村。經王家口。入靜海縣西北境。水由支河行過獨流鎮。入天津。經楊柳青。至紅橋。匯北運河之尾閘。

第十四課 南運河

南運河俗名御河。昔年南漕藉以轉輸者也。起於浙江杭州。經江蘇橫貫楊子江。山東穿黃河。次第北向。入直隸。至靜海之新官屯。東岸有咸河通衛津河。再北由埝垵嘴達天津。經楊柳青。轉而東流。入順軌營門。會於三分河。

第十五課 海河

海河由三岔河東南達海。長約百餘里。舊多彎曲。與港口淤沙同為畿南險要。自庚子後。大沽口改為外國貿易自由港。遂將掛甲寺至楊庄。下河園至何家庄。楊家場至泥窩。小趙北庄至小韓庄。善門口至黃圈等五灣裁直。既壞我藩籬。復令我歲攤修河費六萬金。國勢一弱。受侮遂至此極哉。

第十六課 北運減河

北運河尾閘。有減河三道。一霍家嘴減河。二東堤頭減河。三為陳家溝通金鐘河之減河。經寧河縣入海。中有東南三支流。在西者由大畢庄達海河。在東者由歡坨經貫兒庄達海河。在中者由何家庄達海河。其下游分二派。一會入歡坨之支河。一入泥窩排地。諸流微細。時常涸竭。

第十七課 海河引河

天津縣地理教科書

四

集思堂藏板

自左岸出者。為通金鐘河之減河。自右岸出者。有雙港引河。白糖口引河。南羊橋頭引河。並小橋河。鹹水沽引河。皆通海光寺南之衛津河。達赤龍河。西與新官屯南運河之減河通。再東諸減河。皆新城營田河之洩水貫通。鹽灘官港。

第十八課 橋梁一

跨北運者有金鋼橋。跨南運者有金華橋。鈔關浮橋。跨子牙河者有紅橋。至陳家溝之減河有賈家大橋。以賈家口而得名者也。有錦衣衛橋。又名金吾橋。與寧河交界地有金鐘石橋。下以塌河淀入七里海之水道。

第十九課

跨海河者。有藍關浮橋。萬國橋。鹹水沽橋。其引河有八里橋。與賈家口何家園雙港白糖口諸閘橋。按藍關浮橋。未劃歸租界。自庚子經與人管轄。至今竟

未交還萬國橋。本我老龍頭浮橋。經各國改築。遂命萬國名。若忘有主權所在者。
第二十課 津渡

沿河共七十餘渡。距城最近者。在北運三取書院。獅子林。全家窩。窩窩等渡。在南運為大王廟。茶店口。肉市口。趙家場。梁家嘴。芥園等渡。在海河為玉皇閣。天后宮。鹽關龍王廟。小聖廟。馬家口。大神廟等渡。至於在淀河者。如韓家樹。三河頭。在子牙河者。如新河。楊柳青等渡。相去已稍遠焉。

第二十一課 淀泊

本邑淀泊。在城東北四十里者。為塌河淀。北運藉以宣洩者也。在城西北七八里者。為楊庄後之汪水窩。通南運子牙等河。在城東南八十里者。為中堂窩。自雍正九年。立碑分津。滄靜三色之界。再東為高家港。官家港。二港毗連。新農鎮。

天津縣地理教科書

五

集思堂藏板

之營田河。橫貫其中。

第三章 天氣

第二十二課 節候風雨

節候較京師遲三分八秒。夏令極熱時。寒暑表可達百十餘度。冬令內河結冰約二尺餘。海口約十四五尺。惟春秋溫和宜人。其降雨之時。以五。六。七。八。等月為最多。至於風向。春夏偏於東南。秋冬偏於西北。特地臨渤海。不能無變易也。

第四章 產業

第二十三課

惟海口。蘆葦。為全球最良之品。惜銷售。祇守舊法。不能販運出洋。僅足謀內地之利。所以千餘年無進步。惟礦業。設局。似礦業之一轉機。其有利無弊。是所望。

諸任事者。

第二十四課 水產

邑本濱海沿河水產最富。鱗介之屬不勝枚舉。其尤著者為銀魚石首鱈鯉。鮎鮓白條比目河豚蝦蜆等。為郡屬諸邑之冠。至於蒲葦菰菱尤為淀泊中植物之特色者。

第二十五課 林產

地無山岳。而松柏楊柳等樹。僅生長於村落邱隴間。故大木絕少。惟園丁所植。木類如桂梅翠柏。花類如蘭菊牡丹。果類如桃李棗杏。石榴與梨。一經分栽移種。接合薰養諸術。均能使之暢茂而價倍蓰。

第二十六課 農業

天津縣地理教科書

六

集思堂藏板

農業以玉蜀黍麥高粱為大宗。其他若蔬屬瓜屬棉花等。所產亦饒。至營田河之稻米。上下園之苘韭。以及東北鄉之麻與大頭菜。尤為特色。

第二十七課 工業

先年僅識造各樣露酒清醬及草帽。織席。摘髮。熟牛羊皮等粗工。從無督勸之者。近則設工藝學堂。教養局。考工廠。龍球煙草公司。小學堂。又設手工一門。半日學堂。設織紡等機。而女紅亦漸用機器。維紐。工藝之進步。可跂足而待也。

第二十八課 牧業

縣域鮮豐草牧場。且地價昂貴。故牧業不興。然家畜如牛羊豕雞鴨等。頗知養。至於驢馬與羸。不過商家借以代步。農夫用以耕田。非能求孳息利也。

第五章 人民

第二十九課 人數

人雜五方。華洋逼處。近查人口冊數。約九十五萬。居城廂者最衆。村鎮次之。占本國人口四百五十五分之一。占本省三十一分之一。以北京人口比之。且居其半焉。似此衆民。果能廣聯社會。固結團體。外人何敢覬覦。

第三十課 風俗

民風剛勁。義氣自雄。往歲粵逆搶匪。兩次犯境。應募者僅數千人。即敢出死力。敗之。可見其概。近雖逐末者衆。競尚浮華。然士實俊又多。文。婦女重節守義。至於慈善義舉。敷設尤多。以無論貧富皆樂贊成爾。

第三十一課 慈善義舉

於孤恤寡。則有恤養會及廣仁保赤育嬰保嬰等堂。濟貧救荒。捍患三者。則

天津縣地理教科書

有育黎堂。清修院。備濟延生兩社。救生會。水會。與掩骼會。施棺施粥等。厥殆社會團體之先聲也。

第六章 行政

第三十二課 職官一 附表

本邑華洋交涉。行政權總於直隸總督。北洋大臣。分寄者有鹽運使司。津海關道。天津河間兵備道。親民者為府縣。若分府。分司。儒學。佐貳等。則各司一職焉。

第三十三課 職官二

自綠營裁撤。總鎮協轄警務事。其鎮標中軍左營游擊。右營守備。職同閒散。至城守營。猶分防河北西沽楊柳青三汛。千總僅管城基。複馬路之地租而已。

第三十四課 營制

甲午後海軍覆沒。庚子間以練軍護衛防營陸軍等。未盡得力。遂裁汰之。更招勁旅。改建常備軍。以二十一營為一鎮。其統領名翼長。以總鎮之職充之。歸直隸總督節制。遵新約四十里內不准屯兵。與自強軍分駐小站馬廠等處。軍械操法。概用洋式。而軍容為之一振。

第三十五課 警察 附表

巡警營計城廂內建設五局。按段分捕四鄉盜賊。共巡兵二千。其總局有差遣備差水巡洋巡捕樂隊等。外更有馬巡消防習藝所探訪局。至各村鎮駐守之巡兵。則令民間拓充保甲規模。籌款自立。特遣警務教習。往為訓練。以期法制畫一。蓋我邑防衛盡撤。不得已借此名目。以備守兵。

第三十六課 賦稅

天津縣地理教科書

八

集思堂藏板

賦稅之入。由縣徵納者為地丁銀。由清軍府徵納者為魚葦課。盧網正雜等課。統于鹽運使司。出入口貨等稅。舊掌於鈔關海關者。今統於稅務司。至工巡局。房舖車船等捐。衛生局樂戶捐。與煙茶酒之加捐。皆近年藉以振興新政者也。

第三十七課 局所

自通商以後。事雜人繁。號稱難治。凡軍政財政與振興庶務諸大端。若不各設專局。以輔官府之不足。其所需局員。率以候補府道充之。

第三十八課 教育

昔年教育。有家塾義塾。考試有府縣院科歲兩試。尋常肄業。有各書院。專重制藝。科第之盛。他州縣莫比。近更設師範學堂傳習所。研求各種科學。立大

中小學日等學堂。啟迪後進。使為完全國民。官紳提倡實開北洋風氣之先。
第七章 宗教

第三十九課 儒教 佛教 道教 回教 景教

宗教有三。曰儒曰釋曰道。儒教即國教。以孔孟為宗。本哲學派也。在本邑為最盛。釋道二教。不過僧人羽流。藉禮懺薦度。騙取衣食。至於回教。惟西域人久居內地者奉之。若天主耶穌。近日信者雖眾。然多平民。而縉紳讀書之士絕少。

第八章 商務

第四十課 貿易

本港貿易。以春夏秋為盛。至冬則河水冰凍。貿易遂輟。其輸出品。以豆粟皮大

天津縣地理教科書

九

集思堂藏板

黃京帽線。煙草。駝絨。羊毛。茶等為大宗。多來自外省。運至英美俄日等國。計一千餘萬兩。輸入品。以鴉片。洋布。棉紗。煤油等為大宗。計八千餘萬兩。皆據新關光緒二十八年冊。出口之貨。已不敵所入。近年進口貨且益增。邑之商業何得而不衰。

第四十一課 商埠

邑為五大口岸之一。商賈蟻集。多在北門東門與南運河沿岸一帶。繁盛不讓。滬濱。利源之大者。如銀行。金店。票莊。皮毛。洋廣貨等。利多為外洋外省人所侵蝕。惟鹽商利權。邑人尚占優盛之地。至於東西各行店。止知剝削客商。不能設法招徠。為土貨籌倡銷之路。

第四十二課 租界

租界之開。始於咸豐十年。惟英法兩國。繼設者有美日與德。在紫竹林一帶。為舊租界。至庚子後。俄與意比。更於河東開新租界。海河兩岸。均為外人貿易場。各設領事府。自轄其商民。而且屯駐守。一邑之中。儼樹敵國。意是皆先年立約。不通外情。階之厲也。

第九章 交通

第四十三課 驛路

驛遞之達於鄰境者。西南至靜海縣治七十里。東至寶坻縣梁城所百四十里。北至武清縣之楊村驛六十里。皆設局飼馬。以便郵遞。道路平坦。車馬可以通行。惟夏秋間常有積水之患。失修故也。

第四十四課 鐵路

天津縣地理教科書

境內設鐵路二。一達北京馬家堡。計二百四十二里。一經塘沽至山海關。計四百八十七里。舊站在俄租界老龍頭。庚子間聯軍據之。最得地利。新站在河北新開河。係收地面後建築。其修路鉅款。多假之英商滙豐銀行。每年按本抽息。是亦我國一漏卮也。

第四十五課 航路

由大沽口經山東至上海。約四千餘里。為北洋航路之一。其輪船公司。中國有招商局。外國有太古怡和。禪臣等處。皆設於紫竹林。至內河航路。如南北運河。與大清子牙永定等河。轉輸皆便。但每歲春季與初夏。常患水淺。近法人於海河設萬能公司。御河更有中國所設淺水輪船公司。可達山東之德州。

第四十六課 郵政

郵政總局設於英租界內。外有分局及郵櫃。通達各府州縣及各省。信件等物。由輪船輪車遞寄。他若官設之驛遞。民立之信局。皆輔郵政而行者也。至於各國郵政。惟領事署掌之。亦第便於洋商而已。

第四十七課 電報

電報始於光緒四年。由城內達大沽。後經李文忠公奏准。推廣延接。凡通衢要溢。無不敷設。消息靈通。分官商二局。官局則在城內東大街。商局在院門口。近則更有電話。衙門學堂與公司銀行商舖等處多用之。尤稱利便。

第十章 地方誌

第四十八課 圍牆

圍牆距城基里餘至五六里不等。圍長共三十六里。濠環於外。營門凡十有四。

天津縣地理教科書

十一

集思堂藏板

咸豐十年。親王僧格林沁建築。後捻匪北竄。鄰邑多遭蹂躪。而津邑賴以保全。

第四十九課 城內街衢

城內四大街。鼓樓獨踞中央。高三層。四面穿心。甃穴最古。上懸大鐘。前以鐘聲司晨昏。自庚子後。改駐消防隊。樓之四面至城門舊址。分為東西南北四大街。而東南東北西北三隅。有複街三。

第五十課 城外街衢

接城門舊址者。為城外四大街。東街越浮橋。即為河東新租界。西街南街北街。皆達營門。其與四大街相毗連者。惟沿海河御河南岸等街。最稱繁盛。至河北大街。亦舖戶雲連。但生意較小耳。

第五十一課 馬路

城基新建四馬路。西北隅有新設自來水公司。高建水樓。十餘里外。即望見之。可為開津者增一表誌。東北隅有馬路。至院門口沿海河東南行。接日本租界。西南隅有大廣公司所開馬路。至於由院署後。連新開河車棧之馬路。蓋便於輪車起卸貨物。以免與租界相軋轆云。

第五十二課

東鄉一

以金鐘河分東與北以海河分東與南

在東圍牆外北界沿金鐘河者。有王廠。大畢庄。孫家庄等。南界沿海河者。為大直沽。掛甲寺。潘新庄。桃園沽。泥窩田家嘴。鄭家庄。王四樓等。東與寧河接界者。北有歡地。東南有范家庄。貫兒庄。軍糧城。魏家馬頭等。凡七十餘村。

第五十三課 東鄉二

是鄉遭庚子兵燹特甚。至今尚未興復。再東沿海河北岸。屬寧河縣之村落。

天津縣地理教科書

十二

集思堂藏板

新河塘沽一帶。亦同遭酷劫。更有東局規模宏敞。周圍十有三里。用機器製造火藥。及各種軍械。歲去甚夥。與海光寺南局。西沽武庫。皆數十年之經營。為北洋精華所最。乃皆同時灰燼。曷勝浩歎。

第五十四課

西鄉一

以子牙河分西與北以衛津河分赤龍河分西與南

在西圍牆外北界子牙河沿南運北岸者。有大覺菴。楊家庄。大小卞庄。曹家庄。大小梁庄。西與靜海縣接界者。有冷地嘴。周家庄。古佛庄。炒米店。董家庄。西沿衛津河。有五頂隄。李崔庄。紀家庄。南沿赤龍河。有鄧家院。陳家等村。凡六十餘村。

第五十五課 西鄉二

其間一鎮為楊柳青。繁盛不讓城廂。庚子歲獨無恙。其東十餘里。沿南運南

岸有稍直口。乃謝忠愍大挫粵匪處。至季家墳、姜家井、北斜村，亦是鄉之最著者。
第五十六課 南鄉一 以海河分南與東以衛
洋河赤龍河分南與西
在南園牆外。東界沿海河者。為賀家口、土城、蠻子營、四里沽、盤沽、糧台、鄧善沽。東
西大沽等。西界衛洋河與赤龍河者。為八里台、黑半城、王廟庄、邊家村。西與靜
海接界者。為盧北口、大韓庄、小孫庄、草堡等。南與滄州接界者。為長港、蛤砂嶺
等地。凡一百十餘村。

第五十七課 南鄉二

其間凡七鎮。如白塘口、鹹水沽、葛沽、雙港、友堆、新農、新城。接新農有感軍所開
營田。新城為長備軍屯駐之所。在梁家園圍牆外。有跑馬場。為西人賽馬之地。
春秋佳日。頗足游觀。

天津縣地理教科書

十三

集思堂藏板

第五十八課 北鄉一

以全鐘河分北與東以
子牙河分北與西

在北園牆外。其南沿子牙河北岸。西與武清接界者。為徐家堡、郝家堡、安先丁
庄。北與武清接界者。為龐家嘴、洋溝、馬家庄、二閘庄、大孫庄、小馬庄。東與寶坻
接界者。為韓盛庄、盧新河、西堤頭、劉快庄、錢官房等。其沿北運鳳河永定等
河者。村落尤密。凡九十餘村。

第五十九課 北鄉二

其間鎮汎凡七。曰西沽、丁字沽、北倉、蒲口、洋溝、三河、桃花口。而北倉最占形勝。
庚子歲馬軍門與六國聯軍鏖戰於此。設非從韓家樹龍表我後路。勝負要難遽
決。是鄉東北為宜興埠。地產魚葦。其居民繁盛。殆與西鄉。楊柳青相頡頏云。

第六十課 公餅